

四庫全書

集部

欽定四庫全書

集部

古詩紀卷七十六  
四至

詳校官檢討臣德生

侍讀臣孫球覆勘

總校官知縣臣楊懋珩

校對官編修臣吳裕德

謄錄監生臣范光謙

欽定四庫全書

古詩紀卷七十四

明 馮惟訥 撰

梁第一

武帝

姓蕭氏諱衍字叔達初仕齊累遷隨王鎮西諮議參軍後弒東昏而自立四傳五十五年

樂府

芳樹

綠樹始搖芳芳生非一葉一葉度春風芳華自相接雜  
色亂參差衆花紛重疊重疊不可思思此誰能愜

有所思

誰言生離久適意與君別  
衣上芳猶在握裏書未滅  
腰間雙綺帶夢為同心結  
常恐所思露瑤華未忍折

臨高臺

樂府作  
簡文帝

高臺半行雲望望高不極  
草樹無參差山河同一色  
鬚洛陽道遠難別識玉階  
故情人情來共相憶

雍臺

日落登雍臺佳人殊未來  
綺窓蓮花掩網戶琉璃開  
羊

茸臨紫桂蔓延交青苔月沒光陰盡望子獨悠哉

長安有狹邪行

帝王集作魏武帝者非

洛陽有曲陌曲陌不通驛忽遇一作逢二少童扶轡問君

宅我宅邯鄲右易憶復可知大息組網縕中息佩陸離

小息尚青綺總轡

本集作總角

遊南皮三息俱入門家臣拜

門垂三息俱升堂旨酒盈千卮三息俱入戶戶內有光

儀大婦理金翠中婦事玉觴小婦獨閒暇調笙遊曲池

夫人少裴徊鳳吹方參差

擬青青河畔草

暮暮繡戶絲悠悠懷昔期昔期久不歸鄉國曠音徽音  
徽空結遲半寢覺如至既寤了無形與君隔平生月以  
雲掩光葉以霜推老當途競自容莫肯為一作妾道

擬明月照高樓

圓魄當虛闥清光流思延延思對孤影悽怨還自憐臺  
鏡早生塵匣琴又無絃悲慕屢傷節離憂亟華年君如  
東扶景妾似西柳烟相去既路迴明晦亦殊懸願為銅

鐵轡以感長樂前

閭闔篇

西漢本佳妍金馬望甘泉衛尉屯兵上期門曉漏傳猶  
重河東賦欲知追神仙羽騎凌雲轉閭闔帶空懸長旂  
掃月窟鳳迹輾星躔但使丹砂就能令億萬年

邯鄲歌

回顧灞陵上北指邯鄲道短衣妾不傷南山為君老

子夜歌二首

武帝清商諸曲竝見玉臺新詠  
其與樂府不同者註各題下

恃愛如欲進含羞未肯前朱口發艷歌玉指弄嬌絃

樂府

作古辭

下同

朝日照綺窓光風動紈羅巧笑倩兩犀美目揚雙蛾

子夜四時歌

春歌四首

階上香入懷庭中花照眼春心一如此情來不可恨

樂府

作王  
金珠

蘭葉始滿池梅花已落枝持此可憐意摘以寄心知



朱日光素冰黃花映白雪折梅寄佳人共迎一作陽春

月

樂府作  
王金珠

花塢蝶雙飛柳堤烏百舌不見佳人來徒勞心斷絕樂府

不  
載

### 夏歌四首

江南蓮花開紅光照碧水色同心復同藕異心無異藝文

載一首云江南蓮花水紅光復  
碧色同絲有同藕異心無異詩

閨中花如繡簾上露如珠欲知有所思停織復踟躕

玉盤著

一作貯

朱李金杯盛白酒雖欲持自親復恐不甘

口

樂府作王金珠

含桃落花日黃鳥營飛時君住馬已疲妾去蠶欲饑

秋歌四首

繡帶合歡結錦衣連理文懷情入夜月含笑出朝雲

樂府

作王金珠冬歌其首

句云寒閨周繡帳

七采紫金柱九華白玉梁但歌雲不去含吐有餘香

吹漏未可停絃斷更當續俱作雙絲引共奏同心曲

以上

二首樂  
府不載

當信抱梁期莫聽迴風音鏡中兩人髻分明無兩心

冬歌四首

寒閨動散帳密筵重錦席賣眼拂長袖含笑留上客

別時烏啼戶今晨雪滿墀過此君不返但恐綠鬢衰

樂府

所載古辭一首與此小異

果欲結金蘭但看松柏林經霜不墮地歲寒無異心

樂府

作古辭

一年漏將盡萬里人未歸君志固有在妾軀乃無依

樂府

不載

歡聞歌二首

艷艷金樓女心如玉池蓮持底報郎恩俱期遊梵天

樂府

作王金珠

南有相思木合影復同心遊女不可求誰能息空陰

樂府

作王金珠  
散閑變歌

團扇歌

樂府作  
王金珠

手中白團扇淨如秋團月清風任動生嬌香承意發

碧玉歌

樂府失名

杏梁日始照蕙席歡未極碧玉奉金杯綠酒助花色

上聲歌

樂府作王金珠

花色過桃杏名稱重金瓊名歌非下里含笑作上聲

襄陽白銅鞮歌三首

英華作白銅鞮

隋書樂志曰梁武帝之在雍鎮有童謠云襄陽白銅蹄反縛揚州兒識者言曰白銅蹄以金蹄為馬也白金色也及義師之興實以鐵騎揚州之士皆西縛果如謠言故即位之後更造新聲帝自為之

詞三曲又今沈約為三曲以被管絃古今樂錄曰襄陽蹋銅鞮者梁武西下所製也沈約又作其和

云襄陽白銅蹄

聖德應乾來

陌頭征人去閨中女下機含情不能言送別沾羅衣

草樹非一香花葉百種色寄語故情人知我心相憶

龍馬紫金鞍翠眊白玉羈照耀雙闕下知是襄陽兒

揚叛兒

桃花初發紅芳草尚抽綠南音多有會偏重叛兒曲

白紵辭二首

藝文樂府作簡文帝今從玉臺作武帝以下七言

朱絲玉柱羅象筵飛琯促節舞少年短歌流目未肯前  
含笑一轉私自憐

纖腰嫋嫋不任衣嬌怨獨立特為誰赴曲君前未忍歸  
上聲急調中心飛

河中之水歌

玉臺樂府作梁武帝藝文作古辭

河中之水向東流洛陽女兒名莫愁莫愁十三能織綺  
十四採桑南陌頭十五嫁為盧家婦十六生兒字阿侯  
盧家蘭室挂為梁中有鬱金蕪合香頭上金釵十二行

足下絲履五文章珊瑚掛鏡爛生光平頭奴子擎一作提  
履箱人生富貴何所望恨不早嫁東家王

東飛伯勞歌

一云紹古歌玉臺藝文樂府並作古辭

東飛伯勞西飛燕黃姑織女時相見誰家兒女對門居  
開顏發豔照里閭南窓北牖挂明藝文作挂月光羅帷綺帳  
脂粉香女兒年幾十五六窈窕無雙顏如玉三春已暮  
花從風空留可憐誰與同

江南弄

七曲以下雜言以



古今樂錄曰梁天監十一年冬武帝改西曲製江南上雲樂十四曲江南弄七曲一曰江南弄二曰龍笛曲三曰採蓮曲四曰鳳笙曲五曰採菱曲六曰遊女曲七曰朝雲曲又沈約作四曲一曰趙瑟曲二曰秦箏曲三曰陽春曲四曰朝雲曲亦謂之江南弄云

### 江南弄

古今樂錄曰江南弄三洲韻

## 和云陽春路娉婷出綺羅

衆花雜色滿上林舒芳耀綠垂輕陰連手蹁躑舞春心  
臨歲臆中人望獨踟躕

### 龍笛曲

和云江南音一唱值千金

美人綿耿在雲堂雕金鏤竹眠玉牀  
婉愛寥亮繞虹梁  
繞虹梁流月臺駐狂風鬱徘徊

採蓮曲

文苑英華作吳均今從樂府玉臺作武帝採菱曲同

和云採蓮渚窈窕舞佳人

遊戲五湖採蓮歸發花田葉芳襲衣為君艷歌世所希  
世所希有如玉江南弄採蓮曲

鳳笙曲

和云弦吹席長袖善留客

綠耀尅碧雕瑄笙朱唇玉指學鳳鳴  
流速參差飛且停  
飛且停在鳳樓弄嬌響間清謳

採菱曲

和云菱歌女解佩戲江陽

江南稚女珠腕繩金翠搖首紅顏興  
桂棹容與歌採菱  
歌採菱心未怡翳羅袖望所思

遊女曲

和云當年少歌舞承酒笑

氛氳蘭麝體芳滑容色玉耀眉如月珠佩嫋嫋戲金闕  
戲金闕遊紫庭舞飛閣歌長生

朝雲曲

和云徙倚折耀華

張樂陽臺歌上謁如寢如興芳掩煖容光既艷復還沒  
復還沒望不來巫山高心徘徊

上雲樂

七內

古今樂錄曰上雲樂七曲梁武帝製以代西曲一曰鳳臺二曰桐柏三曰方丈四曰方諸五曰玉龜六曰金丹七曰金陵

### 鳳臺曲

和云上雲真樂萬春

鳳臺上兩悠悠雲之際神光朝天極華蓋過延州羽衣  
昱耀春吹去復留

### 桐柏曲

和云可憐真人遊

桐拍真昇帝賓戲伊谷遊洛濱參差列鳳管容與起梁  
塵望不可至徘徊謝時人

方丈曲

方丈上峻層雲挹八玉御三雲金書發幽會碧簡吐玄  
門至道虛凝冥然共所遵

方諸曲

古今樂錄曰方  
諸曲三洲韻

和云方諸上可憐歡樂長相思

方諸上上雲人業守仁撰金集瑤池步光禮玉晨霞蓋

容長肅清虛伍列真

玉龜曲

和云可憐遊戲來

玉龜山真長仙九光曜五雲生交帶要分影大華冠晨

纓考一作壽如玄羅出入遊太清

金丹曲

和云金丹會可憐乘白雲

紫霜耀絳雪飛追以還轉復飛九真道方微千年不傳

一傳裔雲衣

金陵曲

句曲仙長樂遊洞天  
巡會跡六門揖玉板  
登金門鳳泉  
迴肆鷺羽降尋雲  
鷺羽一流芳芬鬱氛氲

古詩紀卷七十四



欽定四庫全書

古詩紀卷七十五

明 馮惟訥 撰

梁第二

武帝二

詩

逸民

一作逸民  
吟 四言

如壟生木木有異心如林鳴鳥鳥有殊音如江遊魚魚  
有浮沈巖巖山高湛湛水深事迹易見理相難尋

直石頭

以下  
五言

率土皆王土安知全高尚東壘棄黍稷西遊入卿相屬  
逢利建始投分參末將尺寸功未施河山賞已諒攝官  
因時暇曳裾聊起望鬱盤地勢遠參差百雉壯翠壁絳  
霄際丹樓青霞上夕池出濠渚朝雲生疊嶂籠鳥易為  
恩屠羊無飾讓泰階端且平海水本無浪小臣向日歸  
頓轡從閒放

答任殿中宗記室王中書別

武帝初任齊為隨王鎮西諮議參軍隨  
王鎮荊州帝赴鎮時同列以詩送別

問我去何節光風正悠悠  
蘭華時未晏舉袂徒離憂  
緩客承別酒鳴琴和好仇  
清宵一已曙藐爾泛長洲  
眷言無歇緒深情附還流

音旋

### 宴詩

止殺心自詳勝殘道未遍  
四主慚懷音九夷稍革面  
世治非去兵國安豈忘戰  
釣臺聞史籍岐陽書記傳

闕

### 首夏泛天池

薄遊朱明節泛漾天淵池舟楫互容與藻蘋相推移碧  
泚紅菡萏白沙青連漪新波拂舊石殘花落故枝葉軟  
風易出草密路難披

登北顧樓

梁史武帝大同十年三月辛  
京口城登北固樓更名北顧

歇駕止行警迴與暫遊識清道巡丘壑緩步肆登陟雁  
行上差池羊腸轉相逼歷覽窮天步矚矚盡地域南城  
連地險北顧臨水側深潭下無底高岸長不測舊嶼石

若構新洲花如織

天安寺疏圃堂

乘和蕩猶豫此馬聊止息連山去無限長洲望不極參  
差照光彩左右皆春色掩曖矚遊絲出沒看飛翼其樂  
信難忘儵然寧有飾

一作極

藉田

寅賓始出日律中方星鳥千畝土膏紫萬頃陂色縹嚴  
駕佇霞昕氾露逗光曉啓行天猶暗伐鼓地未悄蒼龍

發蟠蜿青斫引窈窕仁化洽孩蟲德令禁胎天耕藉乘  
月映遺滯指秋杪年豐廉讓多歲薄禮節少公卿秉耒  
耜庶疋荷鉏耰一人慙百王三推先億兆

撰孔子正言竟述懷詩

隋志孔子正言二

十卷梁武帝撰

志學恥傳習弱冠闕師友愛悅夫子道正言思善誘刪  
次起實沈殺青在建酉孤陋乏多聞獨學少擊叩仲冬  
寒氣嚴霜風折細柳白水凝澗谿黃落散堆阜康哉信

股肱惟聖歸元首獨歎予一人端然無四友

遊仙

水華究靈奧陽精測神祕具聞上仙訣留丹未肯餌潛  
名遊柱史隱迹居郎位委曲鳳臺日分明拍寢事蕭史  
暫徘徊待我升龍轡

遊鍾山大愛敬寺

曰予受塵縛未得留蓋纏三有同永夜六道等長眠才  
性之方便智力非善權生住無停相刹那即徂遷歎逝

比悠稔交臂乃奢年從流既難反弱喪謂不然二苦常  
追隨三毒自燒然貪癡養憂畏一作愛熱惱坐焦煎道心

理歸終信首故宜先駕言追善友回輿尋勝緣面勢周  
大地縈帶極長川稜層疊嶂遠迤灑陞道懸朝日照花  
林光風起香山飛鳥發差池出雲去連綿落英分綺色  
陸露散珠圓當道蘭蕙靡臨階竹便娟幽谷響嚶嚶石  
瀨鳴濺濺蘿短未中攬葛嫩不任牽攀緣傍玉澗塞陔  
度金泉長途弘翠微香樓間紫煙慧居超七淨梵住踰



八禪始得展身敬方乃遂心虔菩提聖種子十力

一作萬

良福田正趣果上果歸依天中天一道長死生有無離  
二邊何待空同右豈羨汾陽前以我初覺意貽爾後來  
賢

會

一作述

三教

少時學周孔弱冠窮六經孝義連方冊仁恕滿丹青踐  
言貴去伐為善存好生中復觀道書有名與無名妙術  
鏤金版真言隱上清密行貴陰德顯證表長齡晚年開

釋卷猶日映衆星苦集始覺知因果乃方明示教惟平等至理歸無生分別根難一執著性易驚窮源無二聖測善非三英大椿徑億尺小草裁云萌大雲降大雨隨分各受榮心想起異解報應有殊形差別豈作意深淺固物情

和太子懺悔

太子即  
簡文

玉泉漏向盡金門光未成繚繞聞天樂周流揚梵聲蘭湯浴身垢懺悔淨心靈蔓草獲再鮮落花蒙重榮

闕

十喻五首

幻

揮霍變三有恍惚隨六塵  
蘭園種五果雕案出八珍  
對見不可信熟視事非真空  
生四岳想徒勞七識神著幻  
是幻者知幻非幻人

如炎

亂念曠長原例見望遙局  
透逸似江漢汎濫若滄溟  
金波揚素沫銀浪翻綠萍  
遠思如可取近至了無形  
熱緣

熱惚逼渴愛渴心生

靈空

物情異所異世心同所同狀如薪遇火亦似草行風迷  
惑三界裏顛倒六趣中五愛性洞遠十相法靈冲皆從  
妄所妄無非空對空

乾闥婆

靈海自己極滄流去無邊蜃蛤生異氣闥婆鬱中天青  
城接丹霄金樓帶紫煙皆從望見起非是物理然因彼

凡俗喻此中玄又玄

夢

甘寢隨四坐蓋睡依五衆違從競分諍美惡相戲弄出  
家為上首入仕作梁棟色已非真實聞見相靈洞長眼  
出長夜大覺和大夢

代蘇屬國婦

良人如我期不謂當過時秋風忽送節白露凝階基愴  
愴獨涼枕悵悵孤月帷忽聽西北鴈似從東海湄果銜

萬里書中有生離辭惟言長別矣不復道相思胡羊久  
剽奪漢節故支持帛上看未終臉下淚如絲空懷之死  
擔遠勞同穴詩

古意二首

飛鳥起離離驚散忽差池嗷嘈繞樹上翩翩集寒枝既  
悲征役久偏傷壠上兒寄言閨中妾此心詎能知不見  
松蘿上葉落根不移

當春有一草綠花復垂枝云是忘憂物生在北堂墮飛

飛雙蛺蝶低低兩差池  
差池低復起此芳性不移  
飛蝶雙復隻此心人莫知

擣衣

駕言易水北送別河之陽  
沈思慘行鑣結夢在空牀  
既寤丹綠謬始知紈素傷  
中州木葉下邊城應早霜  
陰蟲日慘烈庭草復芸黃  
金風徂清夜明月懸洞房  
娟娟同宮女助我理衣裳  
參差夕杵引哀怨秋砧揚  
輕羅飛玉腕弱袖低紅粧  
朱顏日已與盼睇色增光  
擣以一匪石

文成雙鴛鴦制握斷金刀薰用如蘭芳佳期久不歸持  
此寄寒鄉妾身誰與容思君苦入腸

織婦

送別出南軒離思沈幽室調梭輟寒夜鳴機罷秋日良  
人在萬里誰與共成匹願得一迴光照此憂與疾君情  
倘未忘妾心長自畢

戲作

宓妃生洛浦遊女出漢陽妖閑逾下蔡神妙絕高唐綿



駒且變俗王豹復移鄉况茲集靈異豈得無方將長袂  
必留客清哇咸繞梁燕趙羞容止西施慙芬芳徒聞殊  
可弄定自乏明璫

七夕

白露月下團秋風枝上鮮瑤臺含碧霧羅幕生紫煙妙  
會非綺節佳期乃涼年玉壺承夜急蘭膏依曉煎昔悲  
漢難越今傷河易旋怨咽雙念斷悽悼

一作切

兩情懸

紫蘭始萌

種蘭玉臺下氣暖蘭始萌  
芬芳與時發婉轉迎節生  
獨使金翠嬌偏動紅綺情  
二遊何足懷一顧非傾城  
羞將苓芝侶豈畏鴟鳩鳴

邊戍

秋月出中天遠近無偏異  
共照一光輝各懷離別思

詠舞

腕弱復低舉身輕由迴縱  
可謂寫自歡方與心期共

詠燭

堂中綺羅人席上歌舞兒待我光泛灩為君照參差

詠筆

昔聞蘭蕙月獨是桃李年春心倘未寫為君照情筵

詠笛

柯亭有竒竹含情復抑揚妙聲發玉指龍音響鳳凰

答蕭琛

梁書曰高祖在西邸早與琛狎每朝燕接以舊恩呼為宗老琛亦奉陳昔恩以早筵中陽風忝同閑

雖迷輿運猶荷

洪慈上答云云

雖云早契闊乃自非同志勿談興運初且道狂奴異

賜謝覽王棟詩

南史曰中書侍郎謝覽侍武帝坐受教與侍中王棟為詩答贈其文甚工武帝賜詩云

雙文既後進二少實名家豈伊爾棟隆信乃俱國華

賜張率

南史曰率侍武帝遊宴賦詩武帝別賜率詩曰

東南有才子故能服官政余雖慚古昔得人今為盛

戲題劉孺手板

南史曰武帝宴壽光殿詔羣臣賦詩時劉孺與張率並醉未成武帝取孺手板題戲之曰

張率東南美劉孺洛陽才攬筆便應就何事久遲回

送始安王方略入關

梁武帝結好於魏遣始安王方略入關送之作詩曰

如何吾幼子勝衣已別離十日無由宴千里送淚垂

覺意詩賜江革

梁書曰時高祖盛於佛教朝賢多啓求受戒革精信因果而高祖未知謂革不奉佛教乃賜革覺意

詩五  
百字

唯當勤精進自強行勝脩豈可作底突如彼必死囚

聯句詩

傾城非人美十載難重逢雖懷軒中意愧無鬢髮容

清暑殿效柏梁體

七言

居中負宸寄纓紱帝言慙輻輳政無術新安太守任昉至德無

垠愧遠弼侍中徐勉變贊京河豈微物丹陽丞劉況竊侍兩宮慙

樞密黃門侍郎柳惺清通簡要臣豈汨吏部郎中謝覽出入帷宸濫榮

秩侍中張卷複道龍樓歌琳寶太子中庶子王峻空班獨坐慙羊質

御史中 嗣以書記臣敢匹 右軍主 薄陸儵 謬參和鼎講畫一 徒司

主簿 鼎味參和臣多慝 司徒左西 屬江曹

古詩紀卷七十五



欽定四庫全書

古詩紀卷七十六

明 馮惟訥 撰

梁第三

昭明太子

諱統字德施武帝長子也生而聰睿讀書數行竝下每遊宴祖道賦詩皆屬思便成

無所點易寬和容衆接引才俊喜文章聚書至三萬餘卷著述甚多年三十一薨

樂府

有所思

玉臺作  
庾肩吾

公子

一作  
佳人

遠于隔乃在天一方望望江山阻悠悠道路

長別前秋葉落別後春花芳雷歎一聲響雨淚忽成行  
悵望情無極傾心還自傷

相逢狹路間

京華有曲巷巷曲

一作曲曲

不通輿道逢一俠客緣路問君

居君居在城北可尋復易知朱門間皓壁刻桷映晨離

階植若

一作若

華草光景逐颺移輕憶委四屋

一作逐四屋

蘭膏

然百枝長子飾青紫中子任以貲小子始總角方作啼  
弄兒三子俱入門赫奕盛羽儀華駟服衡轡白玉鏤鞵

羈容止同規矩賓從盡恭卑雅鄭時間作孤竹乍參差  
雲翔雜水宿弄吭滿清池歡樂無終極流目豈知疲門  
下非毛遂坐上盡英竒大婦成貝錦中婦飭粉絕

一作粉

施小婦獨無事理曲步簷垂丈人暫徙倚行使流風吹

### 三婦艷

大婦舞輕巾中婦拂華茵小婦獨無事紅黛潤芳津良  
人且高卧方欲薦梁塵

### 飲馬長城窟行

一云擬青  
清河畔草

亭亭山上拍悠悠，遠行客行客，行路遙，故鄉日迢迢，迢迢不可見，長望涕如霰，如霰獨留連，長路邈綿綿，胡馬愛北風，越燕見日喜，緼此望鄉情，沈憂不能止，有朋西南來，投我用木李，并有一札書，行止風雲起，扣封披書札，書札竟何有，前言節所愛，後言別離久。

長相思

相思無終極，長夜起歎息，徒見貌，嬋娟寧知心，有憶寸心無以一作因，願附歸飛翼。

將進酒

洛陽輕薄子長安遊俠兒宜城溢碟盃中山浮羽卮

上林

千金騾裹騎萬斤流水車爭遊上林裏高蓋逗春華

詩

示徐州弟

四言

按梁書本紀簡文帝以天監十七年為雲麾將軍南徐州刺史

宴君畫室靖眺銅池三墳既覽四始兼摘高宇既清虛

堂復靜義府載陳玄言斯逞

詒明山賓

以下  
五言

南史曰明山賓平原鬲人先為統州刺史入為東  
宮學士兼國子祭酒昭明太子聞其築室未就有  
令曰明祭酒出撫大藩擁旒推轂珥金拖紫而  
恒事屢空閒構宇未成今送薄助并詒以詩曰

平仲古稱竒夷齊昔擅美令則挺伊賢東秦固多士築  
室非道傍置宅歸仁里庚桑方有係原生今易擬必來  
三徑人將招五經士

春日宴晉熙王

此詩見藝文類聚考南史梁  
時無晉熙王疑藝文誤也

百六鍾期數三七厄時中國難悲如燬親離歎數窮藩  
哲遊沮夢揚花撫邊戎幸茲同宴醑引滿愛樽空

宴闌思舊

孝若

明山  
賓

信儒雅稽古文敦淳茂洽到實俊朗文義縱

橫陳佐公

陸  
倕

持方介才學罕為隣灌蔬殷  
芸寔溫雅摘藻

每清新余非狎異者惟舊且懷仁綢繆似河曲契闊等  
漳濱如何離災盡耿漠同埃塵一起應劉念泣泣欲沾

巾

詠山濤王戎詩二首

并序

顏生五君詠不取山濤王戎余聊詠之焉

山公弘識量早廁竹林歡  
聿來值英主身游廊廟端  
位隆五教職才周五品官  
為君翻已易居臣良不難

澹冲如蕭散薄莫至中台  
徵神歸鑿景晦行屬聚財  
嵇生襲玄夜阮籍變青灰  
留連追宴緒壚下獨徘徊

和武帝遊鍾山大愛敬寺

唐遊薄汾水周載集瑤池  
豈若欽明后迴鸞鷲嶺岐  
神



心鑒無相仁化育有為以茲惠日照復見法雨垂萬邦  
躋仁壽兆庶滌塵羈望雲雖可識日用豈能知鴻名冠  
子姒德澤邁軒羲班班仁獸集匹匹翔鳳儀善遊茲勝  
地茲岳信靈竒嘉木互紛糾層峯鬱蔽虧丹勝繞垂榦  
綠竹蔭清池舒華匝長阪好鳥鳴喬枝霏霏慶雲動靡  
靡祥風吹谷虛流鳳管野綠映丹麾帷宮設廛外帳殿  
臨郊垂俯同南風作斯文良在斯伊臣限監國即事阻  
陪隨顧惟實庸非冲薄竟奚施至理徒興羨終然類管

窺上聖良善誘下愚慚不移

開善寺法會

栖鳥猶未翔命駕出山莊  
詰屈登馬嶺迴互入羊腸  
稍看原藹藹漸見岫蒼蒼  
落星埋遠樹新霧起朝陽  
陰池宿早鴈寒風催夜霜  
茲地信間寂清曠惟道場  
玉樹琉璃水羽帳鬱金牀  
紫柱珊瑚地神幢明月璫  
牽蘿下石磴攀桂陟松梁  
澗斜日欲隱煙生樓半藏  
千祀終何邁百代歸我皇  
神功照不極睿鏡湛無方  
法輪明暗室

藝文

日作智 慧海渡慈航塵根久未洗希霑垂露光

同泰僧正講

并序 本集  
止云僧正

大正以貞俗兼解鬱為善歌璉師以行有餘力緣情  
繼響余自法席既闌便思和寂杼軸二年濡翰兩器  
大正今春復為同泰建講法輪將半此作方成所以  
物色不同序事或異

放光聞鷲岳金牒秘香城窮源絕有際離照歸無名若  
人聆至寂寄說表真冥能令梵志遣亦使羣魔驚寶珠

分水相須彌會色形學徒均染疊遊士譬春英伊子寡

空智徒深愛怯

疑作怯

情舒金起祇苑開筵慕肅成年鍾

儵從變弦望聚

疑作驟

舒盈今聞火

一作大

林聚淨土接承

明掖影連高塔法鼓亂嚴更雷聲芳樹長月出地芝生  
已知法味樂復悅玄言清何因動飛轡暫使塵勞輕

鍾山解講

清宵出望園詰晨屆鍾嶺輪動文學乘笳鳴賓從靜嗽  
出巖隱光月落林餘影糾紛八桂密坡陁再城永伊予

愛丘壑登高至節景迢遞觀千室迤邐觀萬頃即事已  
如斯重茲遊勝境精理既已詳玄言亦兼逞方知惠疑作  
惠帶人囂虛成易屏眇瞻情未終龍鏡忽遊騁非曰樂  
逸遊意欲識箕頴

玄圃講

白藏氣已暮玄英序方及稍覺蜚聲悽轉聞鳴鴈急穿  
池狀浩汗築峯形磔岨盱雲緣宇陰晚景乘軒入風來  
幔影轉霜流樹條濕林際素羽翔漪間頰尾吸試欲遊

寶山庶攸信根立名利白巾談筆札劉王給茲樂踰笙  
磬寧止消消邑疑作悒雖娛慧有三終寡聞知十

東齋聽講

昔聞孔道貴今覩釋花疑作化珍至理乃悟寂承稟實能

仁示教雖三徹妙法信平均信言一鄙俗延情方慕真  
庶茲祛八倒異此遣六塵良思大車道方願寶船津長  
延永生肇庶席諒徐陳是節朱明季灼爍治渠新霏雲  
出翠嶺涼風起清蘋既飡甘露肯方欲書諸紳

講席將訖賦三十韻詩依次用

法苑稱嘉柰慈園美脩竹靈覺相招影神仙其棲宿惠

義比瑤瓊薰染猶

一作等

蘭菊理玄方十美功深似九築

華水警銀舟方衢列金軸微言絕已久煩勞多累蓄因

茲闡慧雲欲使心塵伏八水潤焦芽三明啓羣目寶鐸

旦參差名香晚芬郁暫捨六龍駕

一作驚

微祛二鼠蹙意

樹發空花心蓮吐輕馥喻斯滄海變譬彼菴羅熟妙智

方緝錦深詞同霧縠善學同梵爪真言異銅腹逶迤合

蓋城葳蕤布金郁珠華陰八溪玉流通九谷青禽乍下  
上雲鴈飛翻覆高談屬時聽寡聞終自恣日麗駕鴛瓦  
風度踟躕屋落藹散遠香霏雲卷遂族曠濟同象園中  
乘如行獨後談難堅明初心易驚縮應當離花水無令  
垂漆木投巖不足貴棘林安可宿器月希留影心灰庶  
方撲視愛同采蜂遊善如原叔八邑仙人山四寶神龍  
澳藥樹永繁稠禪枝詎凋撼一作以茲悅聞道庶此優  
馳逐願追露寶車脫屣親推轂



晚春

此詩玉臺藝文並作簡文昭明集亦載之然語殊不類也

紫蘭初葉滿黃鶯弄始稀石蹲還似獸蘿長更勝衣水  
曲文魚聚林暝雅鳥飛渚蒲變新節巖桐長舊圍風花  
落未已山齋開夜扉

林下作妓詩

玉臺作簡文初學作昭明昭明集亦載

炎光向夕歛徙宴臨前池泉將影相得花與面相宜管  
聲如鳥弄舞袖寫風枝懽樂不知醉千秋長若斯

擬古

晨風被庭槐夜露傷堦草霧苦瑤池黑霜凝丹墀皓  
疏條索無陰落葉紛可掃安得紫芝術終然獲難老

賦書帙

擢影兔園池抽莖淇水側朝映出嶺雲暮聚飛歸翼  
幸襟緇囊用聊因班女織一合軒義曲千齡如可即

詠同心蓮

江南采蓮處照灼本足觀况等連枝樹俱耀紫莖端  
同踰竝根草雙異獨鳴鸞以茲代萱草必使愁人歡

詠彈箏人

故箏猶可惜應度幾

一作新

人邊塵多澁移柱風燥脆調

絃還信三洲曲誰念九重泉

餞庾仲容

梁書曰仲容先為太子舍人後除安成王中記室  
當出隨府皇太子以舊恩特隆餞宴賜詩時輩榮  
之

孫生陟陽道吳子朝歌縣未若樊林華

一作舉

置酒臨高

殿

金少日人合三  
卷七十五  
貌雪 六言

既同標梅萼散復似大谷花飛密如公超所起皓如淵  
客所揮無羨崑巖列素豈匹振鷺羣飛

示雲麾弟 七言

白雲飛兮江上阻北流分兮山風舉山萬仞兮多高峯  
流九派兮饒江渚山峒堯兮乃逼天雲微濛兮後興雨  
實覽厯兮此名地故遨遊兮茲勝所爾登陟兮一長望  
理化顧兮忽憶予想玉顏兮在目中徒踟躕兮增延佇

擬古

見昭明集玉臺作  
簡文 以下雜言


窺紅對鏡歛雙眉含愁拭淚坐相思念人一去許多時  
眼語笑靨近來情心懷心想甚分明憶人不忍語銜恨  
獨吞聲

大言

觀脩鷗其若鰲鮒視滄海之如濫觴經二儀而跼蹐跨  
六合以翱翔

細言

坐卧鄰空塵憑附  
雖翼越咫尺而三秋  
度毫釐而九息



古詩紀卷七十六

欽定四庫全書

集部  
古詩紀卷七十七

詳校官檢討臣德生

侍讀臣孫球覆勘

總校官知縣臣楊懋珩

校對官編修臣吳裕德

謄錄監生臣范允謙

欽定四庫全書

古詩紀卷七十七

明 馮惟訥 撰

梁第四

簡文帝

諱綱字世縱武帝第三子也六歲能屬文讀書十行俱下辭藻艷發雅好賦詩然又傷輕

靡時號宮體初封晉安王雲麾將軍丹陽尹歷克荆南徐雍益五州刺史昭明太子薨立為皇太子

及嗣位之後侯景制命期年遇弒

樂府

上之回



前旆拂回中後車臨桂宮輕絲駐雲罕春色繞川風桃  
林方灼灼柳路日曛曛笳聲駭胡騎清磬聳山戎徵臣  
今拜手願帝永無窮

採桑

春色映空來先發院邊梅細薄重疊長新花厯亂開連  
珂往淇上接幘至叢臺叢臺可憐妾當窻望飛蝶忌跌  
行衫領熨斗成褱一作褱下牀著珠珮捉鏡安花鑷薄  
晚畏蠶饑競採春桑葉寄語採桑伴訝今春日短枝高

攀不及葉細籠難滿年年將使君歷亂遣相聞欲知琴  
裏意還贈錦中文何當照梁日還作入山雲重門皆已  
閉方知留客袂可憐黃金絡複以青絲繫必也為人時  
誰令畏夫婿

樂府三首

蜀國弦歌篇十韻

銅梁指斜谷

玉臺云銅梁望絕國

劍道望

英華作臨

中區通星上分野

作固下為都雅歌因良守妙舞自巴渝陽城嬉樂所劍

騎鬱相趨五婦行難至百兩好遊娛牲祈望帝祀酒醑  
蜀侯姝江妃納重聘卓女愛將雛停弦時繫爪息吹更  
治玉臺作  
理膺朱脫衫湔錦浪迴扇避陽烏聞君握節返賤  
妾下城隅

艷歌篇十八韻

一作有  
女篇

凌晨光景麗倡女鳳樓中前瞻削成小傍望卷旌空分  
妝開淺靨繞臉傅斜紅張琴未調軫飲吹不全終自知  
心所愛出入仕秦宮誰言連尹屈更是莫教通輕軛綴

阜蓋飛轡轆雲驄金鞍隨繫尾銜璫映纏駿戈鏤荆山  
玉劔飾丹陽銅左把蘓合彈傍持大屈弓控弦因鵲血  
挽繯一作用牛蝟弋獵多登隴酣歌每入豐暉暉隱落  
日冉冉還房攏燈生陽燧火塵散鯉魚風流蘓時下帳  
象簾復韜筒霧暗窻前柳寒踈井上桐女蘿託松際甘  
瓜蔓井東拳拳恃君寵歲暮望無窮

妾薄命篇十韻

名部多麗質本自恃容姿蕩子行未至秋胡無定期玉

金步...  
卷七十一  
貌歇紅臉長顰串

一作慣

翠眉奩鏡迷朝色  
縫鍼脆故絲

本異搖舟咎何闕  
竊席疑生離  
誰拊背溘死詎來遲  
王媵貌本絕踉蹌入氈帷  
盧姬嫁日晚非復  
少年時轉山猶可遂  
烏白望難期

一作追

妾心徒自苦  
傍人會見嗤

### 君子行

君子懷琬琰不使涅塵淄  
從容子雲閣寂寞仲舒帷  
多謝悠悠子管窺良可悲

### 從軍行

貳師惜善馬樓蘭貪漢財前年出右地今歲討輪臺魚  
雲望旗聚龍沙隨陣開冰城朝浴鐵地道夜銜枚將軍  
號令密天子璽書催何時反舊里遙見下機來

長安有狹斜行

長安有徑塗塗徑不通輿道逢雙總𠄎扶輪問我居我  
居青門北可憶復易尋大息騫金勒中息縮黃銀小息  
始得意黃頭作弄臣三息俱入門雅志揚清塵三息俱  
上堂觴肴滿四陳三息俱入戶照耀光容新大婦舒綺

網中婦拂羅巾小婦最容冶映鏡學嬌顰夫人且安坐  
清謳出絳脣

泛舟橫大江三首

魏文帝飲馬長城窟行曰  
泛舟橫大江討彼犯荆虜

滄波白日暉遊子出王畿旁望重山轉前觀遠帆稀  
水浮雲吹江風引夜衣旅鴈同洲宿寒鳧夾浦飛行客  
誰多病一作興當念早旋歸

隴西四戰地羽檄歲時聞護羌擁漢節校尉立元勳石

門留鐵騎冰城息夜軍洗兵逢驟雨送陣出黃雲沙長  
無止泊水脈屢縈分當思勒彝鼎無用想羅裙

悠悠懸旆旌知向隴西行減竈驅前馬銜枚進後兵沙  
飛朝似幕雲起夜疑城迴山時阻路絕水亟稽程往年  
郵支服今歲單于平方歡凱樂盛飛蓋滿西京

鴈門太守行二首

輕霜中夜下黃葉遠辭枝寒苦春難覺邊城秋易知風  
急旂旗斷塗長鎧馬疲少解孫吳法家本幽并兒非闕



買雁肉徒勞皇甫規

隴暮風恒急，闔寒霜自濃。  
攄馬夜方思，邊衣秋未重。  
潛師夜接戰，略地曉推鋒。  
悲笳動胡塞，高旗出漢壙。  
勤勞謝功業，清白報迎逢。  
非須主人賞，寧期定遠封。  
單于如未繫，終夜慕前蹤。

京洛篇

樂府作煌煌京洛行，列鮑照後而逸作者之名，或以為鮑詩非也。

南遊偃師縣，斜上灞陵東。  
回瞻龍首堞，遙望德陽宮。  
重門遠照耀，天閣復穹窿。  
城傍疑複道，樹裏識松風。  
黃河

一作沙

入洛水丹泉繞射熊夜輪懸素魄朝光蕩碧空秋

霜曉驅鴈春雨暮成虹曲陽造甲第

曲陽後漢外戚王根也

高安

還禁中劉蒼歸作相竇憲出臨戎此時車馬合茲宸冠  
蓋通誰知兩京盛歡宴遂無窮

### 擢歌行

妾家住湘川菱歌本自便風生解刺浪水深能捉船葉  
亂由牽荇絲飄為折蓮澱妝疑薄汗沾衣似故湔浣紗  
流暫濁汰錦色還鮮叅同趙飛燕借問李延年從來入

絃管詎

一作誰

在權歌前

怨歌行

十五頗有餘日照杏梁初蛾眉本多嫉掩鼻特成虛持  
此傾城貌翻為不肖軀秋風吹海水寒霜依玉除月光  
臨戶駛荷花依浪舒望簷悲雙翼窺泣前魚或作王  
餘魚名  
也苔生履處沒草合行人踈裂紈傷不盡歸骨恨難祛  
早知長信別不避後園輿

美人篇

佳麗盡闕恨風流最有名約黃能效月裁金巧作星粉  
光勝玉靚衫薄擬蟬輕密態隨流臉嬌歌逐軟聲朱顏  
半已醉微笑隱香屏

鬪雞

歡樂良無已東郊春可遊百花非一色新田多異流龍  
尾橫津漢車箱起戍樓玉冠初警敵芥羽忽猜儔十日  
驕既滿九勝勢恒道脫使田饒見堪能說魯侯

苦熱行

六龍驚不息三伏起炎陽寢興煩几案俯仰倦幃牀滂  
沱汗似鑠微靡風如湯洄池愧玉浪蘭殿非含霜細簾  
時半卷輕幌乍橫張雲斜花影沒日落荷心香願見洪  
崖井詎憐河朔觴

茱萸女

茱萸生狹斜結子復銜花遇逢纖手摘濫得映鉛華雜  
與鬟簪挿偶逐鬢鈿斜東西爭贈玉縱橫來問家不無  
夫婿馬空駐使君車

棗下何纂纂

古吐嗒歌曰棗下何  
攢攢榮華各有時

垂花臨碧澗結翠依丹嶽非直入游宮兼期植靈苑落  
日芳春暮遊人歌吹晚弱刺引羅衣朱實凌還憶且歡  
洛浦詞無羨安期遠

金樂歌

槐香欲覆井楊柳正藏鷓山鑪好無比玉構火窓賒牀  
頭辟繩結鏡上領巾斜鐵鑊種梁子銅樞生棗花開門

拋水柱

一作信

城按特言家

行幸甘泉宮

雉歸海水寂，裘來重譯通。吉行五十里，隨處宿離宮。鼓

聲恒入地，塵飛上暗空。尚

一作赦

書隨豹尾，太史逐相風。

銅鳴周國鉞，旗曳楚雲虹。倖臣射覆罷，從騎

一作妓

新歌

終薰逃拜金，紫賢妻侍禁。中不羨神仙侶，排煙逐駕鴻。

有所思

昔未離長信，金翠奉乘輿。何言人事異，夙昔故恩疎。寂

冥錦筵靜玲瓏玉殿虛掩閨泣團扇羅幌詠薜蘿

臨高臺

玉臺作  
梁武帝

高臺半行雲望望高不極草樹無參差山河同一色  
彷彿洛陽道道遠難別識玉堦故情人情來共相憶

和湘東王橫吹曲三首

折楊柳

樂府作柳  
憚者非

楊柳亂成絲攀折上春時葉密鳥飛礙風輕花落遲  
城高短簫發林空畫角悲曲中無別意併是為相思



洛陽道

洛陽佳麗所大道滿春光  
遊童初挾彈蠶妾始提筐  
金鞍照龍馬羅袂拂春桑  
玉車爭晚入潘果溢高箱

紫騮馬

賤妾朝下機正值良人歸  
青絲懸玉鐙朱汗染香衣  
驟急珂彌響踳多塵亂飛  
彫菰幸可薦故心君莫違

長安道

神臯開隴右陸海實西秦  
金槌一作推輪抵長樂複道向宜

春落花依度，幺垂柳拂行輪。一作人金張及許史，夜夜尚

留賓。

江南思二首

江南有妙伎，時則應璿樞。月暈蘆花缺，秋還懸炭枯。含

丹和九轉，芳樹蔭千一作三株。何辭天后誚，終是列一作到

仙都。懸炭事見淮南子，亦古候氣之法。說林云：懸羽與炭而知燥濕之氣。

二 文苑英華  
作江南行

桂檝晚應旋，厯岸扣輕舷。紫荷擎釣鯉，銀一作銅筐插短

蓮人歸浦口暗那得久迴船

雞鳴高樹顛

碧玉好名倡夫婿侍中郎  
桃花全覆井金門半隱堂  
時欣一來下復比雙鴛鴦  
雞鳴天尚早東烏定未光

明君詞

英華作昭君怨

玉艷光瑤質金鈿婉黛紅  
一去葡萄觀長別披香宮  
秋簷照漢月愁帳入胡風  
妙工偏見詆無由情恨通

當置酒

陸士衡集亦載此詩  
今從樂府作簡文

置酒宴嘉賓，矚迴臨飛觀。絕嶺隔天餘，長嶼橫江半。日  
色花上綺，風光水中亂。三益既歲蕤，四始方蕊粲。

詠中婦織流黃

翻花滿階砌，愁人獨上機。浮雲西北起，孔雀東南飛。調  
絲時繞腕，易鑷乍牽衣。鳴梭逐動釧，紅妝映落暉。

艷歌曲

雲楣挂成戶，飛棟杏為梁。斜窻通葢氣，細隙引塵光。裁  
衣魏后尺，汲水淮南牀。青驪暮當返，預使羅裙香。

怨詩

秋風與白團本自不相安  
新人及故愛意氣豈能寬  
黃金肘後鈴白玉案前盤  
誰堪空對此還成無歲寒

採蓮曲二首

玉臺共  
作一首

晚日照空磯採蓮承晚暉  
風起湖難度蓮多摘未稀  
棹動芙蓉落船移白鷺飛  
荷絲傍繞腕菱角遠牽衣

二

蓮花  
賦歌

常聞葉可愛採擷欲為裙  
葉滑不留綰心忙無假薰  
千

春誰與樂唯有妾隨君

霹靂引

來從東海上發自南山陽時聞連鼓響乍散投壺光飛  
車走四瑞繞電發時祥令去於斯表殺來永傳芳

雉朝飛操

晨光照麥畿平野度春暈避鷹時聳角妬壠或斜飛少  
年從遠役有限意多違不如隨蕩子羅袂拂臣一作塵衣

雙燕離

藝文作  
雙燕詩

雙燕有雄雌照日兩差池  
銜花落北戶逐蝶上南枝  
桂棟本曾宿虹梁早自窺  
願得長如此無令雙燕離

貞女行

借問懷春臺百尺凌雲霧  
北有歲寒松南臨女貞樹  
庭花對帷滿隙月依枝度  
但使明妾心無嗟坐遲暮

龍丘引

龍丘一回首楚路蒼無極  
水照弄珠影雲吐陽臺色  
浦狹村煙度洲長歸鳥息  
遊蕩逐春心空憐無羽翼

賦得當壚

樂府作  
當壚曲

十五正團圓流光滿上蘭當壚設夜酒宿客解金鞍迎  
來挾琴易送別唱歌難欲知心恨急翻令衣帶寬

昇仙篇

小室堪求道明光可學仙丹繒碧林宇綠玉黃金篇雲  
車了無轍風馬詎須鞭靈桃恒可餌幾迴三千年

和人以妾換馬

樂府作愛  
妾換馬

功名幸多種何事苦生離誰言似白玉定是媿青驪必



取匣中劍迴作飾金羈真成恨不已願得路傍兒

半路溪

樂府作  
元帝

相逢半路溪隔溪猶不渡望望判知是翩翩識行步摘  
贈蘭澤芳欲表同心句先將動舊情恐君疑妾妬

擬沈隱侯夜夜曲

靄靄夜中霜河開向曉光枕啼常帶粉身眠不著牀蘭  
膏盡更益薰鑪滅復香但問愁多少便知夜短長

獨處怨

獨處恒多怨，開幕試臨風。  
彈碁鏡奩上，傅粉高樓中。  
自從一作若征馬去，音信不曾通。  
只恐金屏掩，明年已復空。

代樂府三首

楚妃歎

幽閨情脈脈

一作閨開  
漏永永

漏長宵寂寂，草螢飛夜戶。  
絲蟲

繞秋壁，薄笑未為欣。  
微歎還成戚，金簪鬢下垂。  
玉筋衣前滴。

新成安樂宮

遙看雲霧中刻桷映丹紅珠簾通曉日金華拂夜風欲  
知歌管處來過安樂宮

雙桐生空井

魏明帝猛虎行  
曰雙桐生空井

季月雙桐井新枝雜舊株晚葉藏棲鳳朝花拂曙烏還

看西子

一作  
雅子照銀牀繫轆轤

雍州曲三首

南湖

南湖荇葉浮復有佳期遊銀綸翡翠鈎玉軸芙蓉舟荷  
香亂衣麝撓聲隨急流

北渚

岸陰垂柳葉平江含粉堞好值城傍人多逢蕩舟妾綠  
水濺長袖浮苔染輕楫

大堤

宜城斷中道行旅亟留連出妻工織素妖姬慣數錢炊  
彫留上客貫酒逐神仙

賦樂府得大垂手

樂府作吳均下同

垂手忽迢迢飛燕掌中嬌羅衣恣風引輕帶任情搖詎  
是長沙地促舞不回腰

小垂手

舞女出西秦躡影舞陽春且復小垂手廣袖拂紅塵折  
腰應兩袖頓足轉雙巾蛾眉與曼臉見此空愁人

有所思三首

可歎不可思可思不可見餘絃斷瑟柱殘朱泚歌扇

寂寂暮檐響黯黯垂簾色唯有瓠觥苔如見蜘蛛織  
入林看砢礪春至定無餘何時一可見更得似梅花

蜀道難二首

建平督郵道魚復永安宮若奏巴渝曲時當君思中  
巫山七百里巴水三迴曲笛聲下復高猿啼斷還續

採菱曲

菱花落復含桑女罷新蠶挂棹浮星艇徘徊蓮葉南

別鶴

一作烏  
栖曲

接翮同發燕孤飛獨向楚值雪已迷羣驚風復失侶

生別離

別離四弦聲相思雙笛引一去十三年復無好音信

夜夜曲二首

北斗闌干去夜夜心獨傷月輝橫射枕燈光半隱牀

樂府

作沈約

愁人夜獨傷滅燭卧蘭房祗恐多情月旋來照妾牀

樂府

無名氏玉臺

作簡文帝

春江曲

客行祇念路相爭，度京口誰知堤上人。  
拭淚空搖手。

桃花曲

但使新花艷得間，美人簪何須論後實。  
怨結子瑕心。

樹中草

幸有青袍色，聊因翠幄凋。雖間珊瑚蒂，非是合歡條。

上留田行

以下  
七言

正月土膏初欲發，天馬照耀動農祥。  
田家斗酒羣相勞。



為歌長安金鳳凰

烏夜啼

綠草庭中望明月，碧玉堂裏對金鋪。  
鳴弦撥振發初異，挑琴欲吹衆曲殊。  
不疑三足朝含影，直言九子夜相呼。  
羞言獨眠枕下淚，託道單棲城上烏。

烏棲曲四首

芙蓉作船絲作紵，北斗橫天月將落。  
採蓮渡頭擬黃河，郎今欲渡畏風波。

浮雲似帳月如鉤那能夜夜南陌頭  
宜城投泊今行熟  
停鞍繫馬暫棲宿

青牛丹轂七香車可憐今夜宿倡家  
倡家高樹烏欲棲  
羅帷翠帳向君低

織成屏風金屈膝朱脣玉面燈前出  
相看氣息望君憐  
誰能含羞不自前

採菊篇

月精麗草散秋株洛陽少婦絕妍姝  
相呼提筐採菊株

朝起露濕霑羅襦東方千騎從驪駒更一作不下山逢  
故夫

東飛伯勞歌二首

一云古歌 劉孝  
威擬古應教別見

翻階蛺蝶戀花情容華飛燕相逢迎誰家總角岐路陰  
裁紅點翠愁人心天窻綺井暖徘徊珠簾玉篋明鏡臺  
可憐年幾十三四工歌巧舞入人意白日西落揚柳垂  
含情弄態兩相知

西飛迷雀東羈雉倡樓秦女乍相值誰家妖麗隣中止

輕妝薄粉光閨里  
網戶珠綴曲瓊鈎  
芳茵翠被香氣流  
少年年幾方三六  
含嬌聚態傾人目  
餘香落葉坐相催  
可憐絕世為誰媒

雞鳴篇

樂府作劉孝威  
以下雜言

埒雞識將曙長鳴高樹顛  
啄葉疑障羽排花強欲前  
意氣多驚舉飄颺獨無侶  
陳思助鬪協狸膏  
郗昭姪敵安金距  
丹山可愛有鳳凰  
金門飛舞有鴛鴦  
何如五德美豈勝千里翔

度關山

關山遠可度遠度復難思直指遮歸道都護總前期力  
農爭地利轉戰逐天時材官蹶張皆命中弘農越騎盡  
搴旗搴旗遠不息驅虜何窮極狼居一封難再覩關氏  
永去無容色銳氣且橫行朱旗亂日精先屠光祿塞却  
破夫人城凱歌還舊里非是銜功名

從軍行

雲中亭障羽檄驚甘泉烽火通夜明貳師將軍新築營

嫖姚校尉初出征復有山西將絕世愛雄名三門應遁  
甲五壘學神兵白雲隨陣色蒼山答鼓聲迤邐觀鷲翼  
參差覩鴈行先平小月陣却滅大宛城善馬還長樂黃金  
付水衡小婦趙人能鼓瑟侍婢初笄解鄭聲庭前桃花  
飛已一作欲合必應紅妝起見迎

隴西行

邊秋胡馬肥雲中驚寇入勇氣特一作時無侶輕兵救邊  
急沙平不見虜嶂嶮一作轉還相及出塞豈成歌經川未

遑汲烏孫塗更阻康居路猶澁月暈抱龍城星流照馬  
邑長安路遠書不還寧知征人獨佇立

江南弄三首

玉臺新本樂府英華並作昭明今  
從藝文作簡文按玉臺舊刻稱

簡文為皇太子後人遂謬以為  
昭明故諸詩系名多錯互也

江南曲

和云陽春路時使佳人度

枝中水上春併歸長楊掃地桃花飛清風吹人光照衣  
光照衣景將夕擲黃金留上客

龍笛曲

和云江南弄真能下翔鳳

金門玉堂臨水居一噸一笑千萬餘遊子去還願莫踈  
願莫踈意何極雙鴛鴦兩相憶

採蓮曲

和云採蓮歸淥水好沾衣

桂檝蘭橈浮碧水江花玉面兩相似蓮踈藕折香風起  
香風起白日低採蓮曲使君迷



古詩紀卷七十七

欽定四庫全書

古詩紀卷七十八

明 馮惟訥 撰

梁第五

簡文帝 二

詩

三日侍皇太子曲水宴

并序 以下四言 以

竊以周成洛邑自流水以禊除晉集華林同文軌而  
高宴莫不禮具義舉沓矩重規昭動神明雍熙鍾石

者也皇太子生知上德英明在躬智湛靈珠辯均河  
注騰茂實於三善振嘉聲於八區是節也上巳屬辰  
餘萌達壤倉庚應律女夷司候爾乃分階樹羽疏泉  
泛爵蘭觴泝沂蕙肴來徃賓儀式序盛德有容吹發  
孫枝聲沅嶰谷舞艷七盤歌新六變遊雲駐綵仙鶴  
來儀都人野老雲集霧會結軫方衢飛軒照日

闕

震德叶靈年芳節淑濯伊臨灞蕩心愉目驥騎晨野擬  
金曉陸蕙氣卷旌神飈擊轂層岑偃蹇聳觀宮堯煙生

翠幕日照綺寮銀華晨散金芝暮搖綠水動葉丹距映  
條顧惟菲薄徒承恩裕藝學未優聲績不樹豈辨河書  
寧摛淮賦徒偶羣龍終慚並馭

九日侍皇太子樂遊苑

離光麗景神英春裕副極儀天金鏘玉度監撫昭明善  
物宣布惠潤崑瓊澤熙垂露秋晨精耀駕動宮闈露點  
金節霜沈玉璣玄戈側影翠羽翻暉庭迴鶴蓋水照犀  
衣蘭羞薦俎竹酒澄芬千音寫鳳百戲承雲紫燕躍武

赤兔越空橫飛鳥箭半轉蛇弓

應令詩

微軀多幸接萼嘉運紫幄承慈青衿稟訓傍玉流溫依  
蘭染薰百氏既洽六義乃摘辭河瀉潤高論忘疲翠幙  
晨宇朱花夜池牕斜八綺燈懸百枝

愍亂詩

南史曰朱异蒙倖在朝莫不測目雖太子亦不能  
平及侯景亂圍城內咸尤异簡文為四言詩

瞻彼阪田嗟斯氛霧謀之不臧褰我王度

上巳侍宴林光殿曲水

以下  
五言

芳年留帝賞，應物動天襟。  
挾苑連金陣，分衢度羽林。  
帷宮對廣掖，層殿邇高岑。  
風旗爭曳影，亭臯初學  
作午共生陰。  
林花初墮蒂，池荷欲吐心。

和武帝宴詩二首

一作和武  
帝講武宴

校尉開疎勒，將軍定月支。  
南通新息柱，北屆武陽碑。  
豫遊戲馬館，教戰昆明池。  
銀塘瀉清渭，銅溝引直漪。  
常從良家子，命中幽并兒。  
金鞍飾紫佩，玉燕帖青驪。  
車書今

已共願奏云亭儀

祭壺今息鼓董案或開帷聊舉青龍陣正取絳宮時犒  
兵隨後拒軼祭逐前師軍門初露節步陳始分旗

闕

侍遊新亭應令

神襟愍行邁岐路愴徘徊遙瞻十里陌傍望九城臺鳳  
管流虛谷龍騎藉春菱曉光浮野映朝煙承日迴沙文  
浪中積春陰江上來柳葉帶風轉桃花含雨開聖情蘊  
珠綺扎命表英才顧憐砥硯質何以儷瓊瓌

奉和登北顧樓

和武帝

春陵佳麗地濟水鳳凰宮  
况此徐方域川岳邁周澄  
皇情愛歷覽遊涉擬崆峒  
聊驅式道候無勞襄野童  
霧崖開早日晴天歇晚虹  
去帆入雲裏遥星出海中

登烽火樓

聳樓排樹出却堞帶江清  
陟峯試遠望鬱鬱盡郊京  
萬邑王畿曠三條綺陌平  
亘原橫地險孤嶼派流生  
悠悠歸棹入渺渺去帆驚  
水煙浮岸起遥禽逐霧征



玩漢水

雜色崑崙水泓澄龍首渠豈若茲川麗清流疾且徐  
離細磧淨藹藹樹陰疎石衣隨溜卷水芝扶浪舒連翩  
瀉去撮鏡澈倒遙墟聊持點纓上於是察川魚

登城

日影半東簷靖念空扃抽小堂倦縹書華池厭脩竹寂  
寞既寡悰登城望原陸遙山半吐雲嚴飈時響谷靡靡  
見虛煙森森視寒木落霞乍續斷晚浪時迴復遠矚既

濡翰徒自勞心目短歌雖可裁緣情非霧縠

山池

日暮芙蓉水聊登鳴鶴舟飛臚飾羽毳長幔覆緹油停  
輿依柳息住蓋影空留古樹橫臨沼新藤上挂樓魚遊  
向閨集戲鳥逗楂流

贈張纘

儀表咸推挹墻仞難窺踐既富垂帷學復折波濤辯綺  
思曖霞飛清文煥颺轉朱旗赫容與彫榮紛曜煜波搖

白鱧舟風動蒼鷹舳九疑勢參差江天相蔽虧三春澧  
浦葉九月洞庭枝洞庭枝媿娜澧浦葉參差芬芳與搖  
落俱應傷別離

餞廬陵內史王脩應令

餞行臨上節開筵命羽觴迴池瀉飛棟濃雲垂畫堂疎  
槐未合影仄日暫流光園梅斂新藻一作階蕙結初芳

餞臨海太守劉孝儀蜀郡太守劉孝勝

碣石臨東海峨眉距西候兩杜昔夾河二龍今出守方

無夜犬驚向息神牛鬪涼風遠輕幕麥雨交新溜念此  
一銜觴懷離在惟舊

經琵琶峽

由來歷山川此地獨迴遘百嶺相紆蔽千崖共隱天橫  
峯時礙水斷岸或通川還瞻已迷向直去復疑前夕波  
照孤月山枝歛夜煙此時愁緒密

闕

魂九遷

仙客

漆水豈難變桐刀乍可揮青書長命錄紫水芙蓉衣高

翔五岳小低望九河微穿池聽龍長叱石待羊歸酒闌  
時節久挑生歲月稀

往虎窟山寺

考藝文此詩簡文帝作觀弘明集所載王同諸臣和詩可証也弘明

集作江令詩蓋有脫簡素誤爾

塵中喧慮積物外衆情捐茲地信爽塏墟壘賸阡綿藹  
藹車徒邁飄飄旌旒懸細松斜逸逕峻嶺半藏天古樹  
無枝葉荒郊多野煙分花出黃鳥挂石下新泉翁鬱均  
雙樹清虛類八禪栖神紫臺上適意白雲邊徒然嗟小

藥何由齊大年

望同泰寺浮圖

遙看官佛圖帶壁復垂珠燭銀踰漢汝寶鐸邁昆吾日  
起光芒散風吟宮徵殊露落盤恒滿桐生鳳不雛飛幡  
雜晚虹絳音畫鳥狎晨鳧梵世凌空下應真蔽景趨帝馬

咸千轡天衣盡六銖意樂開長表多寶現今軀能令苦

海渡復使慢山踰願能同四忍長當出九居

穆天子傳  
天子之寶

璿珠燭銀郭璞曰  
銀有精光如燭也

蒙預懺直疏詩

藝文作蒙  
預懺悔詩

皇情矜幻俗聖德愍重昏制書開攝受絲綸廣慧門時

英滿君圍法侶盛天園俱銷五道縛共蕩四生怨

一作  
寃

三修

一作  
循

祛愛馬六念靜心猿庭深林

一作  
伏

彩艷地寂

鳥

一作  
伎

聲喧上風吹法鼓垂鈴鳴晝軒新梅含未發落

桂聚還翻早煙蔽石磴寒潮浸水門一朝蒙善誘方願

遣籠樊

蒙華林園戒詩

庸夫耽世樂俗士重虛名三空既難了八風恒易傾伊  
余久齋物本自一枯榮弱齡愛箕穎由來重伯成非為  
樂肥遯特是厭逢迎執珪守蕃國主器作元貞昔日書  
銀字久自慙宗英斯焉佩金璽何由廣德聲一作馨居高  
常慮缺持滿每憂盈茲言信非矯丹心良可明舟航奉  
睿訓接引降皇情心燈朗暗室牢舟出愛瀛是節高秋  
晚次寥天氣清郊門光景麗祈年雲霧生紅葉間青瑣  
紫露濕丹楹葉疎行逕出泉溜遠山鳴綠衿依浦成絳



穎拂林征庶蒙八解益方使六塵輕脫聞時可去非去  
舍重城

旦出興業寺講詩

沐芳肅朝帶駕言抵淨宮羽旗承去影鏡吹雜還風吳  
戈夏服箭驥馬綠沈弓水照柳初碧煙含桃半紅由來  
六塵縛宿昔五纏朦見鶴徒知謬察象理難一作還同方  
知恧四辯奚用語三空

遊光宅寺詩應令

陪遊入舊豐雲氣鬱青葱紫陌垂青柳輕槐拂慧風八  
泉光綺樹四柱暖臨空翠網隨煙碧丹花共日紅方欣  
大雲溥慈波流淨宮

十空六首

如幻

漢安設大響周穆置高臺三里生雲霧瞬息起水雷空  
持生識縛徒用長心災慧人恒棄捨庸識屢遭迴六塵  
俱不實三界信悠哉

水月

圓輪既照水初生亦映流溶溶如漬璧的的似沈鈞非  
闕顧鬼沒豈是桂枝浮空令誰雅識還用喜騰猴萬累  
若消蕩一相更何求

如響

疊嶂迴參差連峯鬱相拒遠聞如句詠遙應成言語竟  
無五聲實誰謂八音所空成顛倒羣徒迷塵縛侶愍哉  
火宅中茲心良可去

如夢

祕駕良難辯，司夢並成虛。  
未驗周為蝶，安知人作魚。  
空聞延壽賦，徒勞岐伯書。  
潛令六識擾，安能二惑除。  
當須耳應滿，然後會真如。

如影

朝光照皎皎，久漏轉駸駸。  
書花斜色去，夜樹有輕陰。  
並能與眼入，俱持動惑心。  
息形影方止，逐物慮恒侵。  
若悟假名淺，方知實相深。

鏡象

精金宛成器懸鏡在高堂後挂七龍網前發四珠光迴  
望疑垂月傍瞻壁譬壁璫仁壽含萬類淮南辯四鄉終歸  
一亡有何闕至道場

和湘東王名士悅傾城

藝文作昭  
明者非

美人稱絕世麗色譬花叢雖居李城北住在宋家東教  
歌公主第學舞漢成宮多游淇水上好在鳳樓中履高  
疑上砌裾開特畏風衫輕見跳脫珠概雜青蟲垂絲逸

帷幔落日度房櫳  
粧窓柳隔色井水照桃紅  
非憐江浦珮羞使春闈空

和徐錄事見內人作卧具

密房寒日晚落照  
度窓邊紅簾遙不隔  
輕帷半捲懸方知  
纖手製詎減縫裳  
妍龍刀橫膝上畫  
尺墮衣前熨斗金  
塗色簪管白牙躔  
衣裁合歡襦文作  
鴛鴦連針用雙  
縫縷絮用八蠶  
綿香和麗丘蜜麝  
吐中臺煙已入  
琉璃帳兼雜太華  
羶且共雕鑪暖  
非同團扇捐  
更恐從軍別

空牀徒自憐

戲贈麗人

麗姬與妖嬈共拂可憐粧同安鬟裏撥異作額間黃羅  
裙宜細簡畫幪重高牆含羞來上砌微笑出長廊取花  
爭問色藝文作寶編板枝念蕊香但歌聊一曲鳴絃未肯張  
自矜心所愛三十侍中郎

率爾成詠

借問仙將畫詎有此佳人傾城且傾國如雨復如神漢

后憐名燕周王重姓申挾瑟曾遊趙吹簫屢入秦玉階  
偏望樹長廊每逐春約黃出意巧纏絃用法新迎風時  
引袖避日暫披巾疏花映髻挿細佩遠衫身誰知日欲  
薄含羞不自陳

執筆戲書

舞女及燕姬倡樓復蕩婦參差大戾發搖曳小垂手釣  
竿蜀國彈新城折楊柳玉案西王桃蠡杯石榴酒甲乙  
羅帳異辛壬房戶輝夜夜有明月時時憐更衣



從頓暫還城

漢渚水初綠江南草復黃日照蒲心發

一作暖

風吹梅蕊

香征艫艤湯壑歸騎息金隍舞觀衣常襞歌臺絃未張  
持此橫行去誰念守空牀

秋閨夜思

非關長信別詎是良人征九重忽不見萬恨滿心生夕  
門掩魚鑰宵牀悲畫屏迴月臨窓度吟蟲繞砌鳴初霜  
賈細葉秋風驅一作吹亂螢故粧猶累日新衣製未成欲

知妾不寐城外搥砧聲

詠內人晝眠

北窓聊就枕南簷日未斜  
攀鉤落綺障揜舉琵琶夢  
笑開嬌靨眠鬟壓落花  
簾文生玉腕香汗浸紅紗  
夫婿恒相伴莫誤是倡家

傷美人

昔聞倡女別蕩子無歸期  
今似陳王歎流風難重思  
翠帶留餘結苔階沒故綦  
圖形更非是夢見反成疑  
熏鑪

含好氣庭樹吐花滋香燒日有歇花落無還時

嬾童

嬾童嬌麗質踐董復超瑕羽帳晨香滿珠簾夕漏賒翠  
被含鴛色雕牀鏤象牙妙年同小史姝貌比朝霞袖裁  
連壁錦牋織細種花攬袴輕紅出迴頭雙鬢斜嬾眼時  
含笑玉手乍攀花懷情非後釣密愛似前車定使燕姬  
妬彌令鄭女嗟

倡婦怨情十二韻

綺窓臨畫閣飛閣繞長廊風散同心草月送可憐光  
髣髴簾中出妖麗特非常耻學秦羅髻羞為樓上粧散誕  
披紅帔生情新約黃斜燈入錦帳微煙出玉房六安雙  
玳瑁八幅兩鴛鴦猶是別時許留值解心傷含涕坐度  
日俄頃變炎涼玉闥驅夜雪金氣落嚴霜飛狐驛使斷  
交河川路長蕩子無消息朱脣徒自傷

詠舞二首

戚里多妖麗重聘茂燕餘逐節工新舞嬌態似凌虛納

花承襦袂垂翠逐璫舒扇開衫影亂巾度履行踈徒勞  
交甫憶自有專城居

可憐稱二八逐節似飛鴻懸勝河陽妓闇與淮南同入  
行看履進轉面望鬟空腕動苔華玉衫隨如意風上客  
何須起啼鳥未肯終

戲作謝惠連體十三韻

玉臺作簡文外編廣  
文選並作沈約非也

雜蕊映南庭庭中光景媚可憐枝上花早得春風意春  
風復有情拂幔且開楹盈盈一作開楹開碧煙拂幔復垂蓮

偏使紅花散飄揚落眼前眼前多無况參差鬱相望珠  
繩翡翠帷綺幕芙蓉帳香煙出窻裡落日斜階上日影  
去遲遲節華咸在茲桃花紅若點柳葉亂如絲絲條轉  
暮光影落落暮陰長春燕雙雙舞春心處處揚酒滿心聊  
足萱枝愁不忘

和藉田

和武  
帝

禮經聞往說觀寶著遐篇豈如春路動祈穀重民天蒼  
龍引玉軼交旗影曲旃皮軒承早日豹尾拂游煙地廣

重畦淨林芳翠幕懸青壇出長畎帷宮繞直阡秉耒光  
帝則報獻重皇虔度諧金石奏德厚歌頌詮三春潤棠  
茨七月待鳴蟬鯨魚顯嘉瑞銅雀應豐年不勞鄭國雨  
無榮鄴令田是知躬稼美兼聞富教宣

漢高廟賽神

玉軼朝行動閭闔旦應開白雲蒼梧去丹鳳咸陽來日  
正山無影城斜漢屢迴瞻流如地脈望嶺匹天台欲祛  
九秋恨聊舉十千杯

祠伍負廟

去國資孝本循忠全令名舟裏

一作中

多竒計蘆中復吐

誠偃月交吳艦魚麗入楚營光功推妙筭載籍有餘聲  
洪濤猶鼓怒靈廟尚淒清行潦承椒奠按歌雜鳳笙無  
勞晉后壁詎用楚臣纓密樹臨寒水疎扉望遠城窓寮  
野霧入衣帳積苔生惟有三青鳥斂翅時逢迎

守東華門開

一作守東平  
中華門開

脂車向馳道總轡息中華落闕猶待漏交戰未通車薄



雲初啓雨曙色始成霞  
塹流鋪紫若城風泛橘  
花絃誦終無取顧已自懷嗟

春日想上林

春風本自竒楊柳最相宜  
柳條恒著地揚花好上衣  
處處春心動常惜光陰移  
西京董賢館南宛習都池  
荇間魚共樂桃上鳥相窺  
香車雲母幘駛馬黃金羈

喜疾瘳

朝寔猶掩扇宿幔未懸鈎  
逍遙臨四注兼持散九愁  
雖

同衛子儻聊喜擊生瘳災星夜出境鳴禽晚去樓蠲邪  
無賈服袂氣息梁牛隔簾陰翠篠映水含珠榴丹經蘊  
玉竒玄水出長洲結友尋方岳採藥訪圓丘神隨七星  
變貌逐五雲留飛鴻若可駕輕簪必易抽

卧疾

沈疴類弩影積弊似河魚詎逢龍子浴空歎楚王菹

闕

詠風

飄颻散芳勢泛漾下蓬萊傳涼入鏤檻發氣滿瑤臺委

禾周邦偃飛駝宋都迴亟搖故葉落屢蕩新花開暫舞  
驚鳧去時送葢香來已拂巫山雨何用卷寒灰

三月三日率爾成詩

芳年多美色麗景復妍遙握蘭唯是旦採艾亦今朝迴  
沙溜碧水曲岫散桃夭綺花非一種風絲亂百條雲起  
相思觀日照飛虹橋繁華炫姝色燕趙艷妍妖金鞍汗  
血馬寶髻珊瑚翹蘭馨起縠袖蓮錦束瓊腰相省隱綠  
樹見人還自嬌玉柱鳴羅薦磔腕泛迴潮洛濱非拾羽

滿握詎貽椒

晚春

玉臺藝文並作簡  
文亦見昭明集

紫蘭葉初滿黃鶯弄不稀石蹲還似獸蘿長更如衣水

曲

一作凍

文魚聚林暝鴉鳥飛渚蒲變新節巖桐長舊圍

風花落未已山齋開夜扉

和湘東王首夏

冷風雜細雨垂雲助麥涼竹水俱蔥翠花蝶兩飛翔燕  
泥銜復落鷓吟飲更揚卧石藤為纜山橋樹作梁欲待

華池上明月吐清光

納涼

斜日晚駸駸池塘生半陰避暑高梧側輕風時入襟落  
花還就影驚蟬乍失林遊魚吹水沫神蔡上荷心翠竹  
垂秋采丹棗映踈砧無勞夜遊曲寄此託微吟

晚景納涼

日移涼氣散懷抱信悠哉珠簾影空捲桂戶向池開鳥  
鳥一作棲星欲見河淨月應來橫階入細筍蔽地濕輕苔

草化飛為火蚊聲合似雷於茲靜聞見自此歇氛埃

初秋

羽翫晨猶動珠汗晝恒揮秋風忽嫋嫋向夕引涼歸浮  
陰卽染浪清氣始乘衣卷幌通河色開窻引一作望月輝  
晚花欄下照疎螢簾上飛直置猶如此何況送將歸

秋夜

螢飛夜的的蟲思夕嘒嘒輕露沾懸井浮煙入綺寮檐  
重月沒早樹密風聲饒池蓮翻罷葉霜篠生寒條端坐

彌茲漏離憂積此宵

秋晚

浮雲出東嶺落日下西江  
促陰橫隱壁長暉斜度窻  
亂霞圓綠水紅葉影飛缸

闕

大同八年秋九月

大君重九節下輦上林中  
酒闌嘉宴罷車騎各西東  
時余守西掖脂車歸北宮  
車分獨坐道扇拂冶城風  
落照壑中滿浮煙槐外通  
長樂含初紫安榴拆晚紅

大同十年十月戊寅

喧塵是時息靜坐對重巒冬深柳條落雪後挂枝殘星  
明霧色淨天白鴈行單雲飛乍想閣冰結遠疑紈晚橘  
隱重屏枯藤帶迴竿荻陰連水氣山峯漆一作漆月寒

大同十一月庚戌

詩彙作  
冬夕

茲園植藝積山谷久紆威直興轉多緒真事亦因依是  
節嚴冬景寒雲掩落暉遠聞風瑟瑟亂視雪霏霏浪起  
川難渡林深人至稀山禽背逕走野鳥厯塘飛



玄圃寒夕

洞門扉未掩金壺漏已催  
曛煙生澗曲暗色起林隈  
雪花無有帶冰鏡不安臺  
堦揚始倒插浦挂半新栽  
陳根委落蕙細葢一作葉  
發香梅鴈去銜蘆上  
獼戲繞枝來

奉答南平王康賚朱櫻

倒流映碧叢點露擊朱實  
花茂蝶爭飛枝濃鳥相失  
已麗金釵瓜仍美玉盤  
摘寧異梅似丸不羨萍  
如日永植平臺垂長與雲  
挂密一作匹徒然奉推甘  
終以愧操筆

賦棗

浮華齊水麗垂彩鄭都竒白英紛靡靡紫實標離離風  
搖羊角樹日映鷄心枝穀城踰石窰蓬岳表仙儀已聞  
安邑美永茂玉門垂

西齋行馬

晨風白金絡桃花紫玉珂影斜鞭照曜塵起足蹉跎任  
俠稱六輔輕薄出三河風吹鳳凰袖日映織成靴遠江  
艫舳少遙山煙霧多雲開瑪瑙葉水淨琉璃波廣路拂

青柳迴塘繞碧莎不效孫吳術寧須趙李過

賦得隴坻鴈初飛

高翔憚濶海下去怯虞機霧暗早相失沙明還共飛隴  
狹朝聲聚風急暮行稀雖弭輪臺援未解龍城圍相思  
不得返且寄別書歸


藥名詩

朝風動春草落日照橫塘重臺蕩子妾黃昏獨自傷燭  
映合歡被帷飄蘓合香石墨聊書賦鈿華試作粧徒令

惜萱草蔓延滿空房

卦名詩

櫛比園花滿徑復水流  
新離禽時入袖旅谷乍依蘋  
豐壺要上客鵠鼎命嘉賓  
車由泰夏闈馬散咸陽塵  
蓮舟雖未濟分密已同人



古詩紀卷七十八